



Na osnovu člana 9. Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Sl.novine FBiH“, broj: 17/14) i člana 14. Statuta općine Tešanj ("Službeni glasnik općine Tešanj", broj:11/07), Općinsko vijeće Tešanj, na redovnoj sjednici održanoj dana, _____ 2016. godine, d o n o s i

R J E Š E N J E

o imenovanju Komisije za provođenje javnog nadmetanja-licitacije u postupku prometa općinskim zemljištem

Član 1.

Komisija za provođenje javnog nadmetanja - licitacije u postupku prometa općinskim zemljištem (u daljem tekstu:Komisija), imenuje se na period do 31.12.2017.godine u sastavu, kako slijedi:

1. Mirsad Omić, predsjednik komisije
2. Muris Hrnjić, zamjenik predsjednika
3. Enes Hodžić, član
4. Mirano Jupić, zamjenik člana
5. Haris Jašić, član
6. Fahir Solo, zamjenik člana

Član 2.

Komisija ima zadatak da postupak nadmetanja- licitacije nekretnine provode u skladu sa odredbama Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Sl.novine FBiH“, broj:17/14) i Javnog oglasa/konkursa o prodaji nekretnine za koje Općinsko vijeće donese Odluku o prodaji.

Član 3.

Komisija o postupku nadmetanja-licitacije vodi zapisnik u koji se unosi cijeli tok postupka i sve ponude stavljene od pojedinih učesnika, kao i stavljeni prigovori.

Nakon okončanog postupka nadmetanja-licitacije, Komisija je obavezna svu dokumentaciju vezanu za provedeni postupak dostaviti Službi za katastar, urbanizam i imovinsko pravne poslove.

Član 4.

Komisija za provođenje nadmetanja-licitacije za svoj rad odgovara Općinskom vijeću.

Naknadu za rad članovima Komisije iz tačke I. ovog rješenja određuje općinski Načelnik na osnovu izvještaja o radu Komisije.

Član 5.

Administrativne poslove za Komisiju obavljaju uposleni na imovinsko-pravnim poslovima.

Član 6.

Ovo Rješenje stupa na snagu objavom u "Službenom glasniku općine Tešanj.

Dostavljeno:

1. Općinsko vijeće Općine Tešanj.
2. Služba za katastar, urbanizam i imovinsko-pravne poslove.
3. U spis i arhiva.

**PREDSJEDAVAJUĆI
OPĆINSKOG VIJEĆA**

Senad Subašić, dipl.oec.

O B R A Z L O Ž E N J E

PRAVNI OSNOV:

Pravni osnov za donošenje ovog rješenja sadržan je u Pravilniku o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine FBiH“, broj: 17/14) i članu 14. Statuta općine Tešanj ("Službeni glasnik općine Tešanj", broj:11/07).

RAZLOZI DONOŠENJA:

Na osnovu Zakona o stvarnim pravima ("Službene novine FBiH", broj:66/13) donesen je Pravilnik o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Sl.novine FBiH“, broj: 17/14), kojim je propisano da postupak nadmetanja-licitacije sprovodi Komisija za sprovođenje javnog nadmetanja koju imenuje općinsko Vijeće, a koja se sastoji od predsjednika i dva člana, koji imaju zamjenike.

Zadaci i obaveze Komisije propisani su naprijed navedenim Pravilnikom.

Komisija za sprovođenje javnog nadmetanja-licitacije u postupku prometa općinskim zemljištem („Službeni glasnik Općine Tešanj“, broj: 5/15) imenovana je Rješenjem pod brojem: 01-31-8-49-2/15 od 16.6.2015. godine, na period od dana donošenja navedenog Rješenja do 31.12.2016.godine.

Shodno izloženom, potrebno je formirati i imenovati Komisiju, te shodno tome donijeti Rješenje o imenovanju Komisije za provođenje javnog nadmetanja-licitacije, to se prijedlog ovog Rješenja podnosi Općinskom vijeću na razmatranje.

O B R A D I V A Č:

**Služba za katastar, urbanizam i imovinsko- pravne
poslove
POMOĆNIK OPĆINSKOG NAČELNIKA**

**P R E D L A G A Č:
OPĆINSKI NAČELNIK:
OPĆINE TEŠANJ**

NADIR Medarić, dipl. ing. geodezije

Mr.sci. SUAD Huskić

Broj: 02-31-8-211-105/16.

Dana, 12.12.2016.godine

